



Broj: 01,02-02-1-697/18

Sarajevo, 9. 3. 2018.

Parlamentarna skupština BiH

Kolegij Predstavničkog doma

Ustavnopravna komisija Predstavničkog doma

8

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO		09-03-2018	
Organizaciona jedinica	Klasifikaciona oznaka	Redni broj	Broj priloga

Predmet: Prijedlog zakona o izmjenama i dopunama Zakona o upravnim sporovima

Bosne i Hercegovine - *Mišljenje*, dostavlja se

Veza: akt broj: 01,02-02-1-697/18, od 7. 3. 2018.

Zakonodavno-pravnom sektoru u prilogu akta, broj i datum veze, dostavljen je na mišljenje *Prijedlog zakona o izmjenama i dopunama Zakona o upravnim sporovima Bosne i Hercegovine* (u daljnjem tekstu: Prijedlog zakona).

Prijedlog zakona, broj: 05-02-1-3299/17, od 5. 3. 2018., podnijelo je Vijeće ministara BiH, kao ovlašteni predlagач u skladu s članom 104. stav (1) Poslovnika Predstavničkog doma Parlamentarne skupštine BiH ("Službeni glasnik BiH", br. 79/14, 81/15 i 97/15).

Na osnovu člana 106. st. (1) i (2) Poslovnika Predstavničkog doma Parlamentarne skupštine BiH (u daljnjem tekstu: Poslovnik) Zakonodavno-pravni sektor daje

MIŠLJENJE

I. Usklađenost s odredbama Poslovnika

Uvidom u sadržaj Prijedloga zakona konstatuje se sljedeće:

1. Prijedlog zakona podnesen je u pisanoj i elektronskoj formi, na jezicima i pismima u službenoj upotrebi u BiH.
2. Uz Prijedlog zakona dostavljeno je obrazloženje koje sadrži:
 - a) ustavni osnov za usvajanje zakona;
 - b) razloge za donošenje zakona;
 - c) cilj donošenja zakona;
 - d) principe na kojima je zasnovan Prijedlog zakona;
 - e) obrazloženje predloženih pravnih rješenja;
 - f) usklađenost sa evropskim zakonodavstvom;
 - g) implementacijske mehanizme i način osiguranja poštivanja zakona;
 - h) procjenu finansijskih sredstva neophodnih za provođenje zakona;
 - i) opis konsultacija vođenih u procesu izrade propisa; te
 - j) mišljenja: Direkcije za evropske integracije o usklađenosti prijedloga zakona sa zakonodavstvom EU, broj: 03/A-06-2-SR-1651-2/17 od 2.11.2017., Ureda za zakonodavstvo Vijeća ministara BiH, broj: 04-02-1-917/17 od 13.11.2017.,

Ministarstva finansija i trezora BiH, broj: 05-02-2-9386-2/17, od 27.10.2017., Agencije za zaštitu ličnih podataka u BiH, broj: 03-1-02-1-1084-2/17 od 13.11.2017., Agencije za državnu službu BiH, broj: 01-02-4-1029/17 od 26.10.2017. te Izjavu o provedenim konsultacijama, te komentare Udruženja za borbu protiv korupcije Transparency International u BiH, broj: 02-04 (3564) od 6.11.2017.

3. Prečišćeni teksta zakona i odredbe članova koji se mijenjaju odnosno dopunjavaju.

Iz navedenog proizlazi da je Prijedlog zakona *usklađen* s članom 105. Poslovnika.

II. Usklađenost s Jedinštvenim pravilima za izradu pravnih propisa u institucijama BiH ("Službeni glasnik BiH", br. 11/05, 58/14, 60/14, 50/17 i 70/17)

Zakon o upravnim sporovima Bosne i Hercegovine ("Službeni glasnik BiH", br. 19/02, 88/07, 83/08 i 74/10) (u daljnjem tekstu: Zakon) stupio je na snagu prije donošenja Jedinštvenih pravila za izradu pravnih propisa u institucijama BiH (u daljnjem tekstu: Jedinštvena pravila) i samim tim ne odražava pravila kojima su utvrđeni formalni kriteriji za izradu pravnih propisa u institucijama BiH.

S obzirom na to da Prijedlog zakona nomotehnički prati osnovni tekst Zakona, Zakonodavno-pravni sektor ne može dati mišljenje sa aspekta usklađenosti s Jedinštvenim pravilima, u skladu s članom 106. stav (1) Poslovnika.

Ipak, s obzirom na predložena rješenja, Zakonodavno-pravni sektor s nomotehničkog aspekta ukazuje na član 39. stav (2) tač. a) i b) Jedinštvenih pravila, u kojem su jasno navedena pravila 'zatvorenog' i 'otvorenog' pozivanja, a koja u članu 1. Prijedloga zakona koji se odnosi na član 2. tačka 3) Zakona nisu ispoštovana.

U članu 4. Prijedloga zakona, koji se odnosi na član 20. osnovnog teksta zakona, ukazujemo na član 53. Jedinštvenih pravila, u smislu dopune dijela članova. Naime, nakon dodavanja novog stava (4) postavlja se pitanje šta se desilo sa st. (5) i (6) istog člana Zakona.

Nadalje, u čl. 3. i 8. Prijedloga zakona, koji se odnose na čl. 19. i 39. osnovnog teksta Zakona, sugerira se da se interpunkcijski znak tačka "(.)" napiše riječima.

Imajući u vidu odredbe Poslovnika Doma naroda ("Službeni glasnik BiH", br. 58/14, 88/15, 96/15 i 53/16), mišljenje o Prijedlogu zakona koje smo dali za Kolegij Predstavničkog doma važi i za Kolegij Doma naroda.

Rukovoditeljica
Zakonodavno-pravnog sektora


Mirjana Kutanjac

Dostaviti:

1. naslovu
2. Kolegiju Doma naroda
3. Ustavnopravnoj komisiji Doma naroda
4. a/a